

ԿԱՐՄԵԼՅԱՆՆԵՐԻ ՄԻԱԲԱՆՈՒԹՅԱՆ ՄԻՍԻՈՆԵՐՆԵՐԻ ԳՈՐԾՈՒՆԵՆՈՒԹՅՈՒՆ
ԻՐԱՆԱՀԱՅՈՒԹՅԱՆ ՇՐՋԱՆՈՒՄ (XVII դ.)

Ա. Վ. ԲԱՅԲՈՒՐՅԱՆ

XVII դ. եվրոպական տերություններն Ասիայում, Աֆրիկայում և Լատինական Ամերիկայի երկրներում հախուռն ձեռնամուխ եղան գաղութային քաղաքականության իրականացմանը: Այդ գործի նախանձախնդիր բուրժուազիան սկսեց օգտագործել բազմապիսի ձևեր ու մեթոդներ, որոնց մեջ ի թիվս կապիտուլյացիոն իրավունքների, առևտրական ու քաղաքական զանազան պայմանագրերի, լայն տեղ էր հատկացվում նաև կրոնական քարոզչությանը: Իր քաղաքական նպատակները խնամքով քողարկելով ընչազուրկ զանգվածների «պաշտպանի» դիմակով, XVII դ. սկզբից հռոմեական կաթոլիկ եկեղեցին և պապականության աշխարհամեծ քաղաքականության գործակալները գրոհ նախաձեռնեցին դեպի Արևելք¹:

Հռոմի սեեռուն ուշադրության կենտրոնում էր գտնվում նաև Սեֆյան Իրանը, որն արդեն ընդգրկվել էր եվրոպական տերությունների տնտեսական ու քաղաքական հետաքրքրությունների շրջանակի մեջ: Եթե բուրժուազիային հետաքրքրում էր լայնածավալ ու տարողունակ իրանական շուկան և այդ երկրում արտադրվող հումքի բազմապիսի տեսակները, ապա հռոմեական եկեղեցին Իրանը դիտում էր որպես անփոխարինելի հենակետ՝ Միջին արևելքի հսկայական տարածքում տեղական ժողովուրդների «հոգիների փրկությունը» իրականացնելու համար²:

Կաթոլիկ միսիոներների ներթափանցմանը Իրան մեծապես նպաստում էր նաև Սեֆյան շահերի ներքին և արտաքին քաղաքականությունը: Մասնավորապես շահ Աբբաս I-ը (1587—1629) փայփայում էր քաղաքական լայնահուն ծրագրեր, որոնց իրականացումն առանց եվրոպական տերությունների օգնության բացառվում էր³:

Իրանն իրենց քարոզչական գործունեության ասպարեզ ընտրած միսիոներները պատկանում էին կաթոլիկական տարբեր միաբանությունների՝ ավգուստինյան, գոմինիկյան, կապուչինյան, ճիզվիտական և այլն, որոնցից յուրաքանչյուրն արտահայտում էր այս կամ այն եվրոպական պետության շահերը: Այդ բոլոր միաբանությունների գործունեությունը ղեկավարող թեւերը ձգվում էին դեպի Արևմուտքի տարբեր արքունիքներ, որոնք և ֆինանսավորում ու բարոյական աջակցություն էին ցույց տալիս միսիոներներին⁴: Որպես կանոն վերջիններս հաստատվում էին առավելապես առևտրական ճանապարհների վրա ընկած վայրերում, վարչաքաղաքական խոշոր կենտրոններում և այլն, «կրոնական պրոպագանդին զուգընթաց տանելով նաև քաղաքական աշխատանք»⁵: Նրանք տնտեսական ու քաղաքական բնույթի տե-

¹ „The Cambridge History of the Bible“, Vol. 3, Cambridge, 1933, p. 384—385.

² Th. Ch. Fleuri au, *Estat present de l'Armenie, tant pour le temporel que pour le spirituel. Avec une description du pays et des moeurs de ceux qui l'habitent*, Paris, 1694, p. 41.

³ A. T. Wilson, *The Persian Gulf. An historical sketch from the earliest times to the beginning of the twentieth century*, London, 194, p. 131—132.

⁴ Charles A. Frazee, *Catholics and Sultans*, Cambridge, 1983, p. 88.

⁵ Ա. Ղ. Հովհաննիսյան, *Դրվագներ հայ աղատագրական մտքի պատմության, գիրք Բ, Երևան, 1959, էջ 7*:

ղեկություններ էին հավաքում Իրանի ներքին վիճակի, նրա միջազգային ու միջպետական հարաբերությունների մասին և դրանք հաղորդում եվրոպական պետություններին⁶։

Ի թիվս կաթոլիկական այլևայլ միաբանությունների անդամների, XVII դ. սկզբներից Իրան սկսեցին ներթափանցել և այնտեղ եռանդուն գործունեություն ծավալել նաև հռոմեական եկեղեցու, այսպես կոչված, «Բոկոտոն կարմեյանների» միաբանության անդամները⁷։ Հիշյալ միաբանության մասին հարուստ ու բազմաթիվ տեղեկություններ են պարունակվում Անանուն հեղինակի կողմից 1939 թ. լոնդոնում անգլերեն լեզվով հրատարակված «Կարմեյանների տարեգրությունը» երկհատոր ստվարածավալ աշխատությունում⁸, որի փաստաթղթերը հիմնականում հանված են Վատիկանի արխիվներից։ Այդ հրատարակությունը կարևորագույն աղբյուր կարող է հանդիսանալ նաև հայ ժողովրդի ու միջնադարի պատմության որոշ հարցեր ուսումնասիրելու համար։

Կարմեյանների միաբանության միսիոներներն առաջին անգամ Իրան են ուղարկվել 1604 թ.։ Այդ միսիոներներից Պոլ Սիմոնը, Զոն (Ժուան) Թադդեուսը և Վինսենտը 1607 թ. որպես Հռոմի պապի անձնական դեսպանորդներ ժամանել են սեֆյանների մայրաքաղաք Սպահան⁹։ Նրանց հետևել են միսիոներների այլ խմբեր, որոնք հիմնավորվել են Շիրազ քաղաքում, Պարսից ծոցի Հորմուզ և Խարթ կղզիներում, Սպահանի մոտ գտնվող հայաքաղաք Նոր Զուլայում և այլն¹⁰։

Իրանում գործող կարմեյանների առաքելությունների ֆինանսավորումը կատարվում էր ոչ միայն Հռոմից, այլև Հնդկաստանի և նույնիսկ հեռավոր Մոզամբիկի միսիոներական կենտրոններից¹¹։ Հետաքրքրաշարժ է այն փաստը, որ կարմեյանները խոշոր դրամազուլիս էին ներդրել ֆրանսիական Օստ-հնդկական ընկերության մեջ, որն առևտրական և ֆինանսական գործարքներին նրանց մասնակցության պերճախոս վկայություն է¹²։ Թեև նրանք հանդես էին գալիս որպես Հռոմի պապի անմիջական ներկայացուցիչներ, սակայն լայնորեն օգտվում էին նաև Եվրոպայի առավել ազդեցիկ կաթոլիկ միապետների նյութական ու բարոյական աջակցությունից¹³։

Սովորաբար կարմեյան միսիոներներն Իրան էին ժամանում իրենց հետ ունենալով հանձնարարական նամակներ¹⁴։

Քնական է, որ քրիստոնեության տարածումը Իրանում չէր կարող իրականացվել հրի ու սրի միջոցով, և այնտեղ միսիոներները չէին կարող դիմել այնպիսի կամայականությունների, ինչպիսիք կիրառում էին այլ երկրներում, օրինակ Հարավային Ամերիկայում։ Դրա պատճառն այն է, որ Իրանում գոյություն ուներ ուժեղ և համեմատաբար կենտրոնացված պետություն, և, բացի այդ, իսլամը հանդես էր գալիս որպես քրիստոնեության ուժեղ ախոյան։ Իրանում Հռոմի հավատաստիյուտ քարոզիչների կողմից մահմեդականներին «դարձի բերելը» ոչ միայն հանդիպում էր անհաղթահարելի դժվարությունների, այլև խիստ վտանգավոր էր։ Քրիստոնեության քարոզչությունը առաջ

⁶ T. Herbert, Travels in Persia, New York. 1929, p. 26.

⁷ „Encyclopedie theologique, t. 20. Dictionnaire des ordres religieux ou histoire des ordres monastiques, religieux et militaires“, t. 1, Paris, 1847, p. 653.

⁸ „A Chronicle of the Carmelites in Persia and the Papal mission of the XVIIth and XVIIIth centuries“, vol. 1—II, London, 1939.

⁹ Նույն տեղում, հ. I, էջ 105.

¹⁰ Նույն տեղում, էջ 531.

¹¹ Նույն տեղում, հ. II, էջ 790, 950.

¹² Նույն տեղում, հ. I, էջ 543.

¹³ Նույն տեղում, էջ 317, 504, 511, 537, 540, և II, էջ 1077, 1211.

¹⁴ Berthold, Histoire de l'établissement de la mission en Perse par les peres Carmes dechausses, Bruxelles. 1885, p. 246—247.

Լր բերում շիա հոգևորականության, շահական կառավարության և մահմեդական մոլեռանդ ամբոխի կատաղությունը: Հենց ինքը՝ «քրիստոնեասեր» հորջորջված շահ Աբբաս I-ը, դաժանորեն պատժում էր հավատուրաց մահմեդականներին, նրանց դատապարտելով քառատման, խարույկի վրա այրվելու կամ ֆանատիկոս ամբոխի քարոծածի¹⁵:

Նման պարագաներում մահմեդականների շրջանում միսիոներների հունձքը գործնականում հավասար էր զրոյի: Բավական է ասել, որ Սպահանում կարմելյանների գործունեության առաջին տասներկու տարիների ընթացքում հավատափոխ եղան ընդամենը տասներկու մահմեդական¹⁶: Ճարահատյալ միսիոներները դիմում էին ամենածայրահեղ միջոցների: Այսպես, նրանք հաճախ կիրառում էին ծանր հիվանդ կամ մահամերձ մահմեդական երեխաներին դավանափոխ անելու ձևը¹⁷: Հուսահատության եզրը հասած նրանց ծնողները իրենց զավակներին փրկելու հույսով նրանց հանձնում էին կարմելյան բժիշկներին¹⁸: Հաջողություն չունեցան նաև նրանց փորձերը՝ կաթոլիկությունը իրանի կրակապաշտների շրջանում տարածելու ուղղությամբ¹⁹: Հասկանալի է, որ նման պարագաներում իրանում միսիոներական քարոզչության հիմնական օբյեկտ էին դառնալու այդ երկրի քրիստոնյա բնակչության մեծամասնությունը կազմող հայերը²⁰: Պատահական չէ, որ «Հավատի տարածման ս. Ժողովն» իրանում գործող միսիոներներին ուղղված հրահանգներում հատուկ շեշտում էր հայ բնակչության շրջանում միսիոներական քարոզչության հույժ կարևորության մասին²¹: Հոռմի կողմից միսիոներներին հանձնարարված մեկ այլ հրահանգում, որն ունի «Հայերի հետ վերաբերմունքի ձևերը» խոսույն վերնագիրը, մանրամասն խորհուրդներ էին տրվում հայ բնակչության շրջանում գործելու ձևերի ու մեթոդների մասին²²:

Հայ բնակչության նկատմամբ միսիոներների հատուկ հետաքրքրությունը պայմանավորված չէր լոկ նրանով, որ նրանց շրջանում կաթոլիկության քարոզչությունը չէր հանդիպում մահմեդական պետության հակազդեցությանը: Բանն այն է, որ հայերը իրանի արտաքին առևտրի մեջ խաղում էին բացառիկ կարևոր դեր: «Այդ նրանք են, — գրում էր ճիզվիտ Ֆլեբիոն, — որ իրականացնում են ողջ Արևելքի առևտուրը և մեծապես նպաստում են նվրոպայի բազմաթիվ քաղաքներում առևտրական հարաբերությունների ծաղկմանը»²³: Այն հանգամանքը, որ հայերի նկատմամբ հետաքրքրության հիմնական պատճառը եվրոպական առևտրական կապիտալի շահերն էին, անսքող երևում է նաև կապուլինյան միաբանության անդամ Ռաֆայել դյու Մանի գրքից²⁴: Անտարակույս, այս հանգամանքը ցույց է տալիս, որ կարմելյանների եռանդուն գործունեությունը իրանահայության շրջանում դեպի իրան եվրոպական պետությունների զաղութային ներթափանցման քաղաքականության իրականացման գլխավոր օղակներից էր:

¹⁵ „A Chronicle . . .“, vol. I, p. 359—266, vol. II, p. 925.

¹⁶ Նույն տեղում, հ. I, էջ 315, 345, հ. II, էջ 931.

¹⁷ Rhodes, Alexandre de. Relation de la mission des peres de la compagnie de Jesus, etablie dans le royaume de Perse, Paris, 1659, p. 29.

¹⁸ „A Chronicle . . .“, vol. II, p. 847.

¹⁹ „Relation d'une mission faite nouvelle par monseigneur l'archeveque d'Ancyre a Ispahan en Perse pour la reunion des armeniens a l'eglise catholique“, Paris, 1702, p. 136—138.

²⁰ В. В. Бартольд. Место прикаспийских областей в истории мусульманского мира. Баку, 1924, с. 113.

²¹ „A Chronicle . . .“, vol. I, p. 191, 197—198.

²² „Lettres edifiantes et curieuses, ecrites des missions etrangeres“, t. I, Paris, 1780, p. 144—149.

²³ Th. Ch. Fleuriat. Շշվ. աշխ. էջ 6.

²⁴ Raphael du Mans. Etat de la Perse en 1661, Paris, 1890, p. 342.

Սակայն միսիոներները հիանալի գիտակցում էին, որ վերջին հաշվով իրանահայերը շահի հպատակներն են և նրանց կաթոլիկացումը կարող է դիտվել իբրև իրանի շահերի գեմ ուղղված հակապետական գործ և առաջ բերել դիմադրություն: Նկատի էր առնվում նաև այն, որ իրանում ընդհանուր մթնոլորտն այնպիսին էր, որ այնտեղ անվստահությամբ էին վերաբերվում դեպի արևմտյան քրիստոնյա աշխարհը և ժամանակ առ ժամանակ տեղի էին ունենում հակաքրիստոնեական մոլեռանդության բռնկումներ: Այսպես, տեղեկանալով, որ պորտուգալական Սիրեն քաղաքի եպիսկոպոս Անտոնիո դե Գուլվեան հայերին անվանում է իր «հոռու», շահ Աբրահամ սարսափելի զայրանում է, դա գնահատելով որպես ոտնձգություն իր հպատակների նկատմամբ: Սարսափահար պորտուգալական միսիոներները 1613 թ.-ի հոկտեմբերի 21-ին որոշում են անհապաղ հեռանալ Սպահանից²⁵:

Առհասարակ, միսիոներների ու նրանց գործունեության նկատմամբ շահական իշխանությունների վերաբերմունքը միանշանակ չէր: Անտարակույս, այդ հակասական դիրքորոշման մակերթացություններն ու տեղատվությունները պայմանավորված էին քաղաքական հանգամանքներով:

Իրանահայ գաղթօջախների մեջ նոր Զուղան կաթոլիկ միսիոներների, այդ թվում նաև կարմելյանների, հատուկ հետաքրքրության ու սեռույն ուշադրության առարկան էր: Դա պայմանավորված էր մի շարք հանգամանքներով: Նախ, այդ գաղթօջախը XVII դ. հայ առևտրական կապիտալի ամենախոշոր ու ամենաաչքի ընկնող կենտրոնն էր: Նոր Զուղայի վաճառականությունն առաջատար դեր էր խաղում իրանի տնտեսական կյանքում, որպես Արևմուտքի և Արևելքի, երկրների հետ միջազգային առևտրական կապերի իրագործող²⁶: Այդ գաղթօջախը նաև իրանի ու Հնդկաստանի հայության թեմական կենտրոնն էր: Միաժամանակ այն ակնառու դեր էր խաղում համայն հայության հասարակական-կրոնական, ազգային-մշակութային և քաղաքական կյանքում:

Ահա այս բոլորը նկատի ունենալով, Վատիկանն այդ հայաքաղաքի բնակչության կաթոլիկացումը դիտում էր որպես Իրանում հետագա հաջողությունների կարևորագույն կովան: Դրա ցայտուն վկայությունն են «կարմելյանների տարեգրության» մեջ տեղ գտած բազմաթիվ հրահանգներն ու Հոռո ուղարկված տեղեկատվությունները: Դրանցից մեկում ուղղակի ասվում է, որ իրանում գործող կարմելյաններն իրենց ուշադրությունը կենտրոնացրել են գերազանցապես նոր Զուղայի հայերի վրա²⁷:

Իսկ ինչպիսի՞ վերաբերմունք էր դրսևորում հայ բնակչությունը կաթոլիկ քարոզիչների նկատմամբ: Կարմելյան Դիմասն իր 1631 թ. թվակիր նամակում վկայում է, որ սկզբնական շրջանում, այսինքն 1607 թ. հետո, նոր Զուղայում ինչպես հոգևորականները, այնպես էլ հասարակ ժողովուրդը չափազանց բարյացակամ վերաբերմունք էին դրսևորում իրենց նկատմամբ, չզլանալով նույնիսկ առատ նվիրատվություններ անել և այլն²⁸: Մովսես Սյունեցի կաթոլիկոսը 1632 թ. ինչպես նաև Վլադիսլավ VII թագավորին ուղղած նամակում նշում էր, որ հայերը ոչ միայն թշնամանք չեն ցուցաբերում կաթոլիկների նկատմամբ, այլև նույնիսկ ընդունում և հյուրընկալում են միսիոներներին՝ որպես իրենց եղբայրներին²⁹: Անտարակույս, նման վերաբերմունքի

25 Բ. Վ. Կյուլպենկյան, Հայ-պորտուգալական հարաբերություններ, Երևան, 1956, էջ 120:

26 В. А. Байбуртян, Армянская колония Новой Джульфы в XVII веке (Роль Новой Джульфы в ирано-европейских политических и экономических связях), Ереван, 1969.

27 „A Chronicle . . .“, vol. II, p. 1072.

28 Նույն տեղում, էջ 845:

29 Ղ. Ալիշան, Կամենից, Վենետիկ, 1896, էջ 243:

պատճառները քաղաքական էին: Նախ, Աբբաս I-ի կողմից Հայաստանից բռնագաղթի ենթարկված ժողովուրդը բնական մղումով հակված էր դեպի ժողրայր-քրիստոնյաները: Այնուհետև, ապրելով մահմեդական պետության լծի տակ, իսլամական ֆանատիկոսության բռնկումների մշտական սպառնալիքի ներքո, ենթարկվելով շահական աստիճանավորների անլուր հարբստահարություններին, ազգային ու կրոնական հալածանքների և այլն, իրանահայերը հույսեր էին փայփայում, որ միսիոներների թիկունքում կանդնած քրիստոնյա պետությունների օգնությամբ հայությունը կարող է ազատագրվել ատելի օտար լծից՝ համաձայն դարերի խորքից եկող հայ ազատագրական լեզենդի³⁰: Բացի այդ հեռավոր ու անորոշ քաղաքական ակնկալիքներից, իրանահայությունը, հատկապես նրա աշխատավորական խավերը, միսիոներներից օգնություն ու միսիոնարություն էին սպասում նաև առօրյա կյանքում: Իրենց հերթին, այդ խավերի համակրանքն ու վստահությունը շահելու համար, միսիոներները զբաղվում էին բարեգործությամբ՝ ցուցաբերում էին անվճար բժշկական օգնություն, ձրի ուսուցանում էին նրանց երեսմաներին, հաճախ միջնորդում էին իշխանությունների առաջ՝ հայերի հարկերը, թեթևացնելու հարցով, երբեմն նույնիսկ վճարում էին շունեորների պարտքերը և այլն: Նման օրինակները «Կարմելյանների տարեգրության» մեջ բազմաթիվ են: Այսպես, 1607 թ. Հոռմից Ղազվինի վրայով Սպահան մեկնելու ճանապարհին կարմելյանները միջնորդում են Ղազվինի քաղաքապետի առաջ, որպեսզի նա ձերբակալումից ազատի հանիրավի ամբաստանված մի քանի հայերի: Քննելով գործը, քաղաքապետն ազատ է արձակում նրանց³¹: Պարսից ծոցում ստրկավաճառությամբ զբաղվող պորտուգալացիներին վճարելով 150 սկուդի, կարմելյանները փրկագնում են 12 հայ պատանիներին³²: Վենետիկում թիապարտության դատապարտված երեք հայեր դարձյալ կարմելյանների միջամտության շնորհիվ ազատ են արձակվում³³: Մեկ այլ ուշագրավ փաստ է: 1624 թ. ի նշանավորումն թուրքերի նկատմամբ տարած խռոհ հաղթանակի և Բաղդադի հետգրավման, շահ Աբբաս I-ը որոշում է բռնի մահմեդականացնել Սպահանի մոտ գտնվող Չհարմահալ գավառի 43 հայկական գյուղերի բնակչությանը: Դարձյալ գործին միջամտում են կարմելյան միսիոներները և, կաշառելով արքունիքի բարձրաստիճան անձանցից մեկին, որին հանձնարարված էր ի կատար ածել այդ հրամանը, կարողանում են հայերից հեռացնել այդ սպառնալիքը³⁴: Հայտնի է, որ Անդրկովկասից գաղթեցված հայ բնակչությունից մոտ 10 հազար տղաներ ու աղջիկներ տրվեցին պարսից մեծամեծներին՝ Քի ծառայություն: Հայոց կաթողիկոսին և եպիսկոպոսներին իրավունք էր տրված փրկագնել գերվածներին: Սակայն նրանք ի վիճակի չէին օգտվել այդ իրավունքից կամ օգտվում էին շնչին չափով, դրամական միջոցներ չունենալու պատճառով: Դրանից անմիջապես օգտվում են կարմելյանները, որոնք սկսում են փրկագնել հայերին³⁵:

Անտարակույս, նրանց վերոհիշյալ ֆիլանտրոպիստական քաղաքականությամբ պետք է բացատրել այն իրողությունը, որ գնալով իրանահայության շրջանում միսիոներների հունձքն առատանում էր: Կարմելյան էմանուիլն այդ առթիվ գրում էր, որ իր միաբանության անդամներն ակնառու հաջողություն-

³⁰ Ա. շ. Հովհաննիսյան, նշվ. աշխ., գիրք Ա, Երևան, 1957, նաև՝ Michel Febure, Theatre de la Turquie. Traduit d'italien en françois par son auteur le sieur Michel Febure, Paris, 1682, p. 423.

³¹ «A Chronicle...», vol. I, p. 120.

³² Նույն տեղում, էջ 207:

³³ Նույն տեղում, հ. II, էջ 1074:

³⁴ Նույն տեղում, էջ 1074, Առաքել Դավրիժեցի, Պատմություն, Երևան, 1988, էջ 135-140:

³⁵ «A Chronicle...», vol. I, p. 265, 271:

ներ ունեն նույնիսկ Համադան քաղաքում, որի բնակիչները, նրա ասելով, ողջ պարսկահայության շրջանում աչքի էին ընկնում իրենց համառ ու կամակոր խառնվածքով³⁶։

Միսիոներները հատկապես մեծ եռանդ ու հետևողականություն էին դրսևորում հայ առաքելական եկեղեցին Հռոմի աթոռին ենթարկելու ուղղությամբ։ Այդ նպատակին հասնելու կարևոր գրավական էր դիտվում հատկապես հայ բարձր հոգևորականությանը և առաջին հերթին կաթողիկոսներին կաթոլիկ եկեղեցու ծոցը ներգրավելու «Կարմեյլյանների տարեգրության» մեջ բազմաթիվ փաստերի, ենթահանդիպում հայ կաթողիկոսներին «դարձի բերելու» և նրանց Վատիկանի ուղևորը գցելու փորձերի վերաբերյալ³⁷։

Ընդհանուր է, հայ կաթողիկոսներից շատերը տարբեր շարժառիթներով հայտնում էին իրենց գրավոր հնազանդությունը Վատիկանին³⁸, սակայն դա ազդեցություն հնազանդություն էր, առավելապես թելադրված սեփական ժողովրդի ազդեցությամբ փրկության շահերից։

Հայ կաթողիկոսների կողմից կաթոլիկություն ընդունելու և Հռոմի աթոռի հետ նրանց միանալու կամ ունիա կազմելու վերաբերյալ միսիոներներին հաղորդած տեղեկությունները չեն համապատասխանում իրականությանը։ Տվյալ դեպքում նրանք ցանկալին ներկայացնում են փրկանության տեղ։ Միանգամայն բացահայտվում է նաև փաստերը կեղծելու միսիոներների ակնհայտ հակումը։ Հողմացրիվ է լինում նաև կաթողիկոսական ջատագովների հորինած առասպելն այն մասին, որ հայ ժողովրդի շրջանում պապական ներկայացուցիչների գործունեությունը հետապնդում էր բացառապես մարդասիրական ու ազատագրական նպատակներ։

1645 թ. սկսած նկատվում է իրանահայության շրջանում և առաջին հերթին Նոր Զուղայում միսիոներների գործունեության շեշտակի ակտիվացում։ 1652 թ. Նոր Զուղայում կարմեյլյանները հիմնում են մշտական աթոռանիստ։ Որպես այդ նոր քաղաքականության նախաձեռնող ու ջատագով հանդես է գալիս դոմինիկյան կրոնավոր Պիոմալին, որը երկար տարիներ ապրել էր Հայաստանում, խորապես ուսումնասիրել հայոց պատմությունը, լեզուն և գրականությունը։ Նոր Զուղայում կարմեյլյանների գործունեության հաջողության լուրջ կոճակն էր այն, որ տեղի վաճառականական-խոջապական ազդեցիկ դասը, առևտրական սերտ շահերով կապված լինելով Վենետիկի և Զենովյայի հանրապետությունների, Ֆրանսիայի, Լեհաստանի, Իսպանիայի և այլ կաթոլիկական երկրների հետ, աշխատում էր բարի հարաբերություններ պահպանել լատին կրոնապետության և իրանում գտնվող նրանց առաքյալների հետ ու այդ ճանապարհով քառապալ վերոհիշյալ պետությունների և Վատիկանի ամենագոր աջակցությունը։ Այսպես, Հռոմի Վ. Ժողովը 1629 թ. օգոստոսին Ֆրանսիայում գտնվող պապական նվիրակի միջոցով Նոր Զուղայ է ուղարկում խոջա Նազարին ուղղված մի շնորհակալագիր, որտեղ իր երախտագիտություն էր հայտնում իրանում գործող միսիոներներին օգնություն ցույց տալու համար³⁹։

Կարմեյլյանների համար հատկապես կարևոր հենադուռն էր Նոր Զուղայի գաղթօջախի կաթոլիկ հայերի բավական խոշոր համայնքը⁴⁰։ Նրանց մեջ կային մեծահարուստ դրամատերեր ու վաճառականներ, որոնք ֆինանսական խոշոր օգնություն էին ցույց տալիս միսիոներներին և հովանավորում էին

³⁶ Նույն տեղում, էջ 99—101։

³⁷ A Chronicle . . . , vol. I, p. 319; vol. II, p. 820, 846, 1000.

³⁸ Vernier R. P. Donat, Histoire du Patriarcat Armenien Catholique, Lyon-Paris, 1891, p. 277—279. Փ. Թ. Ն. Վ. ի, Հայաստան և հայ եկեղեցական պատմություն, Վենետիկ, 1930, էջ 73—77։

³⁹ Ն. Ն. Ա. ի ն. Վ. ի, Մովսէս Գ. Տաթևացի կաթողիկոս. կենսոգն և գործունեությունը («Հանդես ամսօրեայ», 1933, № 7—8, էջ 384—386)։

⁴⁰ Ն. Ն. Վ. ի հ. Վ. ի, Պատմություն Նոր Զուղայի և իր նպաստի, հ. II, Նոր Զուղայ, 1880, էջ 265։

ներանց: Ունիթոր հայերի մեջ հատկապես աչքի էր ընկնում Շահրիմանյանների ընտանիքը, որը նոր Զուղայի կաթոլիկ համայնքի փաստացի ղեկավարն էր: Այս ընտանիքի մասին կարմելյան միսիոներներից մեկը գրում էր. «Սահրատները (Շահրիմանյանները — Ա. Բ.) ունեն հսկայական հարստություններ, որոնք գտնվում են աշխարհի բոլոր մասերում ցրված նրանց գործակալների մոտ»⁴¹: Միայն կարմելյանների միաբանության անդամներին նրանք տրամադրում էին ամենամյա դրամական նպաստ՝ 500 սկուդի գումարով: Բացի այդ, Շահրիմանյանները թույլատրել էին կարմելյաններին օգտվել իրենց պատկանող հասարակական բաղնիքի եկամուտներից, ինչպես նաև Ֆրանսիացի ճանապարհորդ Թավերնիեի կողմից իրենց մոտ պահ դրված դրամադրվի տոկոսներից⁴²: Այս ընտանիքի դրամական օգնության շնորհիվ մի շարք միաբանությունների առաքելություններ այն աստիճանի ապահովված էին, որ բնավ չէին զգում Հռոմի և Եվրոպայի կաթոլիկ միապետների օգնության կարիքը⁴³: Ի տրիտուր իրենց այդ ծառայությունների, Շահրիմանյանները Հռոմի պապից ու եվրոպական միապետներից ստացան մի շարք պատվոնշաններ, արտոնություններ ու իրավունքներ: Այսպես, Ինովկենտիոս XII պապը 1696 թ. նրանց շնորհեց Հռոմի քաղաքացու կոչում և հատկացրեց Հռոմում ու Անկոնայում ազատ առևտրի իրավունք⁴⁴: 1699 թ. ավստրիական կայսր Լեոպոլդ I Հաբսբուրգը նրանց շնորհեց կոմսի տիտղոս, իսկ Աբբատ Ժոզեֆը առաջարկություն մտցրեց Շահրիմանյաններին տրամադրելու ազատ առևտրի իրավունք Ֆրանսիայի ողջ տարածքում⁴⁵:

Որպես կանոն, կարմելյանները կաթոլիկություն ընդունած հայ վաճառականներին տրամադրում էին համապատասխան երաշխավորագրեր, որոնց օգնությամբ նրանք եվրոպական երկրներում ձեռք էին բերում զանազան դուրսություններ: Այսպես, կարմելյանների օգնությամբ հայ վաճառականները կարողացան հետ ստանալ տարբեր պատճառներով եվրոպական երկրներում կորցրած իրենց դրամներն ու ապրանքները⁴⁶: Միսիոներները խաղում էին նաև բանկային միջնորդների հուսալի դեր: Նրանց օգնությամբ հայ վաճառականները եվրոպական երկրների հետ կատարում էին դրամական խոշոր գործառնություններ⁴⁷: Այսպիսով, միանգամայն ակնհայտ է, որ հայ վաճառականությունը մի մասն ընդունելով կաթոլիկությունը, առավելապես հետապնդում էր շահագրիտական նպատակներ:

Այն խոջանների նկատմամբ, որոնք հրաժարվում էին ընդունել Հռոմի տիրապետությունը և կամ հայ եկեղեցու դիրքերից հանդես էին գալիս կաթոլիկ քարոզչության դեմ, կիրառվում էին խիստ պատժամիջոցներ⁴⁸: Նման գնալքերում որպես կանոն կարմելյանները դիմում էին եվրոպական միապետներին ու Հռոմի պապին՝ պահանջելով զանազան տուգանքների միջոցով նեղել իրենց տիրապետության սահմաններում առևտուր անող հայ վաճառականներին⁴⁹, արգելել նրանց մուտքը «պապական պետության» սահմանները, բռնագրավել եվրոպական բանկերում դրված նրանց ավանդները, արգելք դնել առևտրական նավերի վրա, զրկել արտոնություններից ու իրավունքներից:

⁴¹ A Chronicle . . . , vol. I, p. 650.

⁴² Նույն տեղում, էջ 500, 515, հ. II, էջ 1078, 1080.

⁴³ Նույն տեղում, հ. I, էջ 457, հ. II, էջ 1081—1082.

⁴⁴ Նույն տեղում, հ. II, էջ 1358.

⁴⁵ Նույն տեղում, էջ 937.

⁴⁶ Նույն տեղում, հ. I, էջ 295, 715, հ. II, էջ 1073.

⁴⁷ Նույն տեղում, հ. II, էջ 375, 505.

⁴⁸ Նույն տեղում, հ. I, էջ 439, 461, 469, հ. II, էջ 1074.

⁴⁹ Fr. MacIer. Notes de manuscrits arméniens ou relatifs aux arméniens vus dans quelques bibliothèques de la péninsule ibérique et du sud-est de la France («Revue des Etudes Arméniennes», Paris, 1922, t. 2, p. 18—20).

րից և այլն⁵⁰, Երրեմյան կարմեյանները չէին խորշում դիմել նաև ֆիզիկական ուժի: Այսպես, երբ 1694 թ. Նոր Զուգայում նրանք ձեռնամուխ եղան նոր եկեղեցու շինարարությանը, զայրացած հայ ամբոխը շրջապատեց տեղի կարմեյան կենտրոնը և սկսեց սպառնալիքներ տեղալ միսիոներների հասցեին: Վերջիններս օգնության աղերսով դիմում են շահական արքունիքում լեհաստանի դեսպան, ճիզվիտ Իգնատիուս Զապուսկուն, որն անմիջապես զինված հեծյալներ է ուղարկում այնտեղ և ցրում հայ ցուցարարներին⁵¹:

Կարմեյաններն առանձնակի կարևոր նշանակություն էին տալիս դպրոցների՝ բացմանը, որոնք կոչված էին հայ մատաղ սերնդին դաստիարակելու կաթոլիկության ոգով: Նրանց հաջողվեց Նոր Զուգայում, Շիրազում, Սպահանում և Իրանի հայ բնակչություն ունեցող մի շարք քաղաքներում բաց անել դպրոցներ⁵²: Կաթոլիկ քարոզչությունը տարածելու գործում տեղական բնակչությունից օգնականներ պատրաստելու նպատակով կարմեյանները լայնորեն օգտագործում էին նաև դեռևս XVI դ. Հռոմում իրենց բաց արած հատուկ դպրոցը (Collegium Urbanum de propeganda), որտեղ ուսանում էին մեծ թվով հայ պատանիներ⁵³: Նոր Զուգայում կարմեյանները դպրոց էին բացել նաև հայ տարեց բնակչության համար, որտեղ նրանք սովորում էին գրաձանաչություն, ուսումնասիրում ճարտասանություն, փիլիսոփայություն, երկրաչափություն, քերականություն, լեզուներ և այլ առարկաներ⁵⁴:

Անտարակույս, այդ դպրոցները որոշակի դեր խաղացել են հայ ժողովրդին եվրոպական գիտության և մշակույթի հետ հաղորդակցելու գործում: Սակայն մյուս կողմից ակնհայտ է դրանց խիստ բացասական դերն այն առումով, որ այդ դպրոցները ծառայել են որպես եվրոպական կաթոլիկական պետությունների կուլտուրական նվաճողականության ազդու գործիքներ⁵⁵:

Կարմեյան միսիոներների գործունեությունն իրանահայության շրջանում մշտապես հանդիպում էր դիմադրության ու հակահարվածի: «Կարմեյանների տարեգրության» հրատարակիչը հայերի կողմից միսիոներների նկատմամբ թշնամանքի շեշտակի ուժեղացման հիմնական պատճառ է համարում XVI դ. լեհաստանում տեղի ունեցած իրադարձությունները, երբ Նիկոլ Թորոսովիչի գլխավորությամբ այնտեղ սկսվեց անզուսպ լատինականացում և ի վերջո բռնի կերպով լեհաստանի հայ գաղութին պարտադրվեց կաթոլիկությունը⁵⁶, որի հետևանքով կարճ ժամանակամիջոցում գաղութը կորցրեց իր ազգային դեմքը և ենթարկվեց ձուլման: Այս ողբերգական իրադարձությունները՝ բուն Հայաստանում, և՛ գաղթաշխարհում հայ ժողովրդի համար հանդիսացան միսիոներների հետապնդած հետին նպատակների պերճախոս վկայություն: Ի դեպ, կարմեյանների դեմ իրանահայության մղած պայքարը զորավոր խթան ստացավ նաև այն պատճառով, որ լեհաստանի իրադարձություններում ճիզվիտների հետ համատեղ ակտիվ դեր էր խաղացել նաև կարմեյանների միաբանությունը:

Իրանահայ գաղութում հակակաթոլիկական պայքարի կենտրոնն էր Նոր Զուգայի գաղթօջախը: Ռաֆայել գյու Մանը վկայում է, որ տեղի հոգևորականության դիրքորոշումը միսիոներների նկատմամբ այն աստիճանի թշնա-

⁵⁰ A Chronicle . . . , vol. I, p. 506—510.

⁵¹ Նույն տեղում, հ. II, էջ 861.

⁵² Նույն տեղում, հ. I, էջ 319, 445, 526.

⁵³ Վ տ ր դ ա ն Ը ս տ կ ար ե ա ն, Եկեղեցական պատմություն, Վիեննա, 1872, էջ 353.

⁵⁴ A Chronicle . . . , vol. I, p. 517—518.

⁵⁵ Կաթոլիկական դպրոցների մասին մանրամասն տե՛ս R. H. Kevorkian, *Livres missionnaires et enseignement catholique chez les Arméniens entre 1583 et 1700* («Revue des Études Arméniennes», t. 17, 1983, p. 589—599).

⁵⁶ Բռնի միություն հայոց լեհաստանի ընդ եկեղեցվոյն հոռվմայո, Ս. Պետրոսով, 1884.

մական էր, որ նա քարոզում էր իր հոտին՝ ապելի լավ է դարձեք մահմեդականներ, քան կաթոլիկներ»⁵⁷։ Ընդ որում, իրանահայության պայքարն անխտիր ուղղված էր կաթոլիկական բոլոր միաբանությունների դեմ⁵⁸։

Պայքարի հիմնական կազմակերպիչը, անշուշտ, հայ հոգևորականությունն էր, որի շահերը վտանգված էին միսիոներների գործունեության հետևանքով։ Վախենալով կորցնել իր հոտը, հետևաբար նաև եկամտի աղբյուրները, նա նետվում է գրոհի։ Նոր Զուղայի առաջնորդ Դավիթ արքեպիսկոպոսը 1679 թ. մայիսի 10-ին հրապարակում է մի կոնդակ, որտեղ, դիմելով հայ վաճառականությանը, պահանջում էր որևէ հարաբերության մեջ չմտնել ֆրանկների հետ։ Ով որ նոցա հետ այլ խօսի, կամ առևտուր առնէ, կամ քոռն տայ, կամ օղէն թողու, կամ ինքն նոցա օղէն գնայ, նզովեալ եզիցի և կապեալս,— սպառնում էր նա⁵⁹։

Հայ հոգևորականությունը կանգ չէր առնում նաև ապելի վճռական գործողությունների առջև։ Նոր Զուղայի թեմական առաջնորդ Ստեփանոս եպիսկոպոսը կարողացավ շահ Սուլեյմանին (1666—1694) համոզել, որ միսիոներների գործունեությունը մի վտանգ է, որն ուղղված է ոչ այնքան հայերի, որքան իրանի պետական շահերի դեմ։ Որ միսիոներների հիմնական խնդիրն է լրտեսական տեղեկություններ հավաքել իրանի մասին և դրանք հաղորդել եվրոպական տերություններին։ Որ միսիոներները իրանում տարածում են ապստամբության և հեղափոխության մտքեր։ Որ առհասարակ օտարերկրյա ներթափանցման իրական նպատակը իրանի գաղութացումն է⁶⁰։

Կասկածից վեր է, որ հայ հոգևորականությունը դիմում էր պայքարի նման մեթոդների բացառապես ինքնապաշտպանության նպատակներով։ Հաճախ իրանահայությունը չէր խոչընդոտում դիմելու նաև պարսկական իշխանությունների աջակցությանը, քաջ գիտակցելով, որ օտարերկրյա ազդեցության դեմ պայքարի վճռորոշ հարցերում նրանց շահերը համընկնում են։ Հենց շահական մեծատղհմիկ աստիճանավորների և արքունիքի երևելի անձանց՝ շահի մոտ, Սպահանի գլխավոր դատավորի՝ ղադիի, շահական արքունիքի գլխավոր ներքինի Աղա Քեմալի աջակցությամբ, իհարկե նաև կաշառքի ուժով Ստեփանոս եպիսկոպոսին հաշտվում է 1689 թ. Նոր Զուղայից, թեկուզ և ժամանակավորապես, վռնդել ինչպես կարմելյաններին, այնպես էլ ճիզվիտներին, քանդել տալ Նոր Զուղայում կարմելյանների եկեղեցին և ճրնկճել յոյժ զկողմն պապականաց»⁶¹։ Միաժամանակ, Ստեփանոս եպիսկոպոսը հատուկ կոնդակով արգելեց ամուսնությունները հայերի և «ֆրանկների» միջև⁶²։ Ապելի ուղղուղայեցիների հորդորներով էջմիածնի կաթողիկոսը նույնիսկ դիմեց Թավրիզի կառավարչին, խնդրելով, որ կաթոլիկություն ընդունելու ցանկություն հայտնած հայերին բռնի մահմեդականացնեն⁶³։ Հարկ է նշել, որ Ստեփանոս եպիսկոպոսը Նոր Զուղայում հալածանք սկսելով կաթոլիկների դեմ, ցանկանում էր այդ հալածանքն ընդհանրական դարձնել ամբողջ Հայաստանում, որը, սակայն, չհաջողվեց։

Նոր Զուղայում կաթոլիկ քարոզչությանը դիմադրելու կարևոր կովան էր դիտվում գրատպությունը։ 1684 թ. վերաբացված Նոր Զուղայի տպարանը տպագրեց Հովհաննես Մրքուզի «Գիրք իսկապէս համառոտ վասն ճշմարիտ

⁵⁷ Raphael du Mans, հշվ. աշխ., էջ 329.

⁵⁸ „Histoire universelle des missions catholiques Publiée sous la direction de monseigneur S. Dalacroix“, vol. 2, Paris, 1957, p. 98.

⁵⁹ Մեսրոպ վ. Քերզյան, Հակոբ Դ. Զուղայեցի, Պետրոս, 1956, էջ 11—12.

⁶⁰ 2. Տեր-Յովհաննես, հշվ. աշխ., հ. II, էջ 266: Տե՛ս նաև, Tournefort Pitton de, Relation d'un Voyage du Levant, Paris, 1717, t. 2, p. 166.

⁶¹ 2. Տեր-Յովհաննես, հշվ. աշխ., հ. II, էջ 267, „A Chronicle . . .“, vol. I, p. 461—474.

⁶² „A Chronicle . . .“, vol. I, p. 456.

⁶³ Նույն տեղում, էջ 521:

հաւատոյ» և Աղեքսանդր վարդապետի⁶⁴ . «Գիրք, որ ասի վիճարանական» հակակաթողիկական դրվածքները⁶⁵, նոր Զուղայի տպարանում տպագրվում է նաև «Մատենան հակառակ երկարնական» գիրքը, որի առթիվ կաթողիկոսները կառավարության առջև հայերին զրպարտում են, որ իբր նրանք «հակառակ վարդապետութեանն ղուրանի տպեալ են զմատենան»⁶⁶:

Գուստավ. Դյուպոն Ֆերիեն նշում է, որ Ֆրանսիայում կաթողիկոսյանը նվիրվածության ոգով կրթություն ստացած հայ պատանիների մեծամասնությունը հարազատ վայրերը վերադառնալուց հետո դառնում էին կաթողիկոսների ավելի կատաղի հալածողներ, քան նրանց հայրենակիցները⁶⁷: Իսկ ֆրանսիացի ճանապարհորդ Ժ. Շարդենը վկայում է, որ եթե միսիոներներն արևելյան քրիստոնյաների շրջանում իրենց գործունեության մեջ ձեռք են բերել հաջողություն, ապա համեմայն դեպս ոչ հայերի մեջ⁶⁸:

Միսիոներների դեմ պայքարում հոգևորականությունից հետ չէր մնում նաև հայ կոմպրահորական բուրժուազիան՝ խոշալությունը, որը միսիոներների գործունեության ճանապարհին մշտապես կանգնեցնում էր բազմապիսի պատեններ⁶⁹: Հակազդելով ու դիմադրություն ցույց տալով կաթողիկ միսիոներներին, հայ առևտրական բուրժուազիան ոչ միայն մտահոգված էր իր առևտրական շահերը եվրոպական մրցակիցների ոտնձգություններից պաշտպանելու հոգսերով, այլև առաջնորդվում էր համազգային շահերով: Անշուշտ, նրա այդ վարվելակերպն օբյեկտիվորեն ուղղված էր եվրոպական տերությունների գաղութակալական քաղաքականության դեմ և XVII դ. որոշակիորեն դժվարացնում էր ասիական այդ երկրում կապիտուլյացիոն ռեժիմի սահմանմանը:

Միսիոներության դեմ պայքարի ամենազդու բռն ժողովրդական զանգվածներն էին, որոնք քաջ գիտակցում էին, որ Վատիկանը և կաթողիկ միսիոներները իրենց գործունեությամբ տրոհում ու անդամալուծում են հայ ժողովրդի ուժերը, արգելադրում ու դժվարացնում նրա համախմբման պրոցեսը, բթացնում նրա ազգային զգացումները, նպաստում ազգային ինքնագիտակցության կորստին, խորացնում ազգային երկպառակությունները, իրանահայության բնկորներին կտրում բուն հայրենիքի ժողովրդից և ուժացնում ու համաձուլում նրանց:

Այսպիսով, միանգամայն ակնհեր է, որ XVII դ. իր ազգային դիմագիծն ու ինքնությունը, իր հոգևոր ու մշակութային արժեքները պահպանելու և ազգային ազատագրման իղձը իրականացնելու համար իրանահայությունը ստիպված էր մահու և կենաց պայքար մղել ոչ միայն մահմեդականության, այլև կաթողիկոսյան ամենակու վտանգի դեմ:

ДЕЯТЕЛЬНОСТЬ МИССИОНЕРОВ ОРДЕНА КАРМЕЛИТОВ СРЕДИ АРМЯНСКОГО НАСЕЛЕНИЯ ИРАНА (XVII в.)

А. В. БАЙБУРТЯН

Резюме

В XVII в. европейские державы развернули на Востоке широкую колониальную экспансию с целью завоевания обширных местных рын-

⁶⁴ Հետազայում էջմիածնի կաթողիկոս Աղեքսանդր Զուղայեցի:

⁶⁵ Հ. Տեր-Յոզի հանձնարար, նշվ. աշխ. հ. II, էջ 200:

⁶⁶ Նույն տեղում:

⁶⁷ Gustave Dupont-Ferrier, Les Jeunes de langues ou «Arméniens» à Louis-le Grand, («Revue des Etudes Armeniennes», 1922, t. II, p. 202—203).

⁶⁸ J. Chardin, Voyages du chevalier Chardin en Perse, et autres lieux de l'Orient, Paris. 1611, t. 6, p. 156—158.

⁶⁹ «A Chronicle . . .», vol. I, p. 157.

ков и богатых источников сырья. Инициатором этой политики выступала европейская буржуазия, которая наряду с капитуляционными правами, различными неравноправными торговыми и политическими договорами широко использовала также религиозную пропаганду, осуществлявшуюся с помощью миссионеров различных католических орденов: в частности, подобную деятельность развернул кармелитский орден среди армянского населения Ирана. Борьба армянского населения Ирана против миссионеров провалила широкомасштабные планы Ватикана и католических держав не только в отношении Армении и армянского народа, но и в отношении Ирана.